

絳縣志

胡承署檢

絳縣志

目錄

圖四

疆域圖第一

總圖一 歷代圖十一

卷一

山川圖第二

總圖一 水經注圖一 各史志圖一

卷二

城關圖第三

總圖一

卷三

鄉鎮圖第四

總圖一 分圖四 渠道圖一

卷四

表四

晷度表第一

北極高度 偏度 節氣 日出入晝夜刻 矇影差
日高弧 日餘弧 晷影 京省直綫

卷五

大事表第二

古今紀事 統部沿革 州沿革 縣沿革

卷六

職官表第三

金至 國朝 知縣 縣丞 主簿 典史 教諭
訓導

卷七

選舉表第四

宋至 國朝 辟薦 進士 舉人 五貢 武進士
武舉人 捐納 封贈 鄉飲賓介

卷八

志九

沿革志第一

唐虞至 國朝

卷九

山川志第二

山川

卷十

土地志第三

縣境 四至八到 城池 鄉鎮 坊里 關梁
兵防 舖遞

卷十一

田賦志第四

賦額 雜稅 戶口 水利 鹽法 什務

卷十二

壇廟志第五

大祀 中祀 羣祀 不在祀典各神廟

卷十三

學校志第六

學宮 學額 學田 書院 義學

卷十四

衙署志第七

官署 倉庫 公所

卷十五

古蹟志第八

古蹟 墳墓 寺觀

卷十六

藝文志第九

經史 子集 碑刻

卷十七

傳四

循吏傳第一

金至 國朝

卷十八

鄉賢傳第二

鄉賢 忠節 孝友 義行

卷十九

列女傳第三

節婦 貞女

卷二十

敘傳第四

卷二十一

絳縣志卷二十

奉政大夫同知銜賞戴花翎山西絳州絳縣知縣加五級紀錄次成都胡延撰

列女傳上第三

自劉中壘范蔚宗傳列女常璩華陽國士女志亦與先後賢同
列後世地志因之漢制凡烈女義婦皆扁表其門 皇朝旌閭
之典至鉅歲終由督撫題入立沛 恩施所以鄉曲士女咸知
重節汝墳之化行而王道所由基也絳縣舊志載節女最夥茲
悉錄之而益以光緒四年以後者以備列女傳

元

秦氏長干里丁堅妻堅歿時氏年二十二孝事舅姑撫二歲子

成人守節不渝至正十一年旌閭

明

王氏郇王里鄭奉先妻孝事舅姑姑病篤焚香祝天割股作羹
姑食之隨愈事聞大吏給扁旌之歲給布穀

王氏陳村里陳銘妻年二十三夫亡撫二幼子昭及彪俱成人
成化五年旌表建坊邑東街

任氏董封里生員劉應期妻夫亡氏年二十一無子舅姑俱早
歿氏哀痛不欲生數夜縊幾死祖姑張氏多方勸解乃已撫
姪學書爲嗣養祖姑四十餘年不怠後學書入學成名萬厯
時建坊旌表

王氏下柏里李時元妻崇禎五年流賊犯境逃入東山氏見夫
爲賊所傷號哭罵賊不已遂被害後其子生員邦輔妻邵氏
於順治十一年間賊夜突至擄氏逼之去氏曰我知有死肯
隨賊耶賊怒甚揪其髮髮盡罵不絕口賊遂殺之及殯兩目
不瞑時人咸驚異焉

高氏三閭里盧養蒙妻崇禎五年九月間羣盜蜂起闔邑逃竄
氏携女避難至翼邑南路見一孩棄地氏視之卽其兄子高
榜也問其父安在人云已被賊殺氏流涕負姪而行行里許
力不能兩全因念高氏祇此一孤若棄之便絕嗣遂棄其女
而携其姪賊退高氏與姪歸而其兄實未死已在途中遇高

氏之女負之歸矣鄉里異之後其子奎觀入泮

劉氏廩生譚進德妻夫故旬日不食死學使吳旌其門

焦氏范璧里甘泉知縣郭永固妻從夫殉難事詳永固傳

馬氏賀大里張荆璞妻流賊破堡氏懼爲賊污墜城幾死賊迫之罵不絕口遂被害子養心以孝行著見人物志

劉氏任村里靳毓奇妻崇禎五年流賊破堡氏恐玷辱携女投井死邑令黃詳請旌表並輓以詩有茫茫千騎紅顏改烈烈雙清玉女隨之句

譚氏下柏里王承廕妻崇禎五年避寇柴家山賊至氏恐爲所辱携其女永樂里劉永祚妻同墜深崖而死

國朝

撤氏東廂坊王紹先妻年二十紹先死無子氏紡織度日甘貧守節者四十一年將卒召族人泣曰我夫無立錫地倘族人
有昭穆相當者爲夫承嗣則吾守節數十年死無恨矣族爲
議服姪以繼其後

高氏長三里張永昌妻年二十四永昌故無子舅姑俱老氏以
針黹所出養二親二親先後歿氏經營喪葬人咸嘉之後撫
姪爲子年七十六終

史氏喬野里生員李錫旌妻于歸後祖姑張喪明繼姑裴病癰
氏侍奉曲盡其道年二十五夫亡無子撫姪爲嗣辛勤教養

新縣志 卷二十
得以成立治家有法家業由是饒裕守節三十年歿學使邵
給匾旌焉

郭氏范璧里王一字妻姑病卧床五年氏朝夕視湯藥無少懈
夫弟維宇早天遺一幼女氏撫養成人無異己女人尤以爲
難云

裴氏東廂坊王允妻年十七喪夫無子家貧以紡織爲生事病
姑色養弗衰貞節自守乾隆二十五年旌表建坊東關

李氏習義坊吉維新妻夫故氏年二十二子登雲尙幼氏守貞
訓子勤苦耕讀後孫鳴謙登順治甲午賢書家聲由此丕振
徐氏習義坊生員王之楨妻夫故無子撫姪允升爲嗣年甫三

歲氏多方鞠育及成立教之詩書後得列名黌宮

董氏平海衛經歷原世儒妻世儒死官殉難事詳世儒傳氏年二十七子始達方七月氏撫之成立娶妻高氏年二十八始達又卒高氏同姑董撫子以終

見通志

曲氏習義坊張雲霄妻夫故氏年甫十九有遺孕苦守不嫁孝事其姑後生子恩元成立

喬氏范璧里王三家妻訓子廷翰入泮

陳氏東廂里王用極妻年十六守節勤織紡事姑撫幼

朱氏習義坊張鼎妻撫幼事姑訓子成名

馬氏留孟里王大良妻冰霜自矢撫孤成人

郭氏長千里長千村尉思定妻事舅姑甚孝年二十九夫歿無子哀毀幾絕殯葬如禮有勸之嫁者氏正色叱之以死誓撫姪相皇爲嗣皇甫週歲氏鞠育成立後考授經歷氏猶躬親織紉勤苦自勵雖家頗豐足未嘗安逸郡邑咸稱之

王氏永梅里永樂村典史劉基壽妻性至孝奉事翁姑必誠必敬夫病時藥餌親嘗夜不遑寢及夫故氏年二十七殯葬如禮每食必薦孀居三十餘年撫子玉亦成立孫入泮郡守縣令俱旌表其門

尉氏青凌里磨裏村王啟祚妻夫故氏年二十二兩子瑄玫俱幼氏撫子成立屢遭兵荒矢志不改後瑄長急公好義鄉里

稱之皆氏之教也啟祚兄啟允妻任氏允病氏默禱願以身代及故哀泣幾不欲生有勸之嫁者氏以死誓無子撫孤姪玫爲嗣妯娌守節鄉人稱之府縣俱旌其門

李氏通明坊生員任周統妻夫歿時氏年二十五無子撫姪璫爲嗣歷五十餘年卒後璫入泮邑令旌之

張氏通明坊王安世妻夫故氏年二十七三子俱幼氏堅貞自守四十餘年事姑劉氏甚孝雖值饑饉未嘗缺養撫三子俱成立長子勤民入泮

王氏留孟里生員馬斯臧妻年十九孀居孝事舅姑撫子致遠入泮守節五十一年以壽終邑令旌其門

郭氏留孟里生員郭面滌妻夫故時氏年二十一遺孤尙在襁
褓氏堅貞自勵鞠育備至訓其子友楨入泮

郭氏賀大里史國瑾繼妻年十四適國瑾撫前妻之子鏡如己
出及鏡娶妻馬氏生子未週歲鏡卽物故國瑾亦相繼而歿
時郭氏年二十七馬氏年二十三姑媳矢志守節撫遺孫得
成立後旌表建坊邑東街

張氏通明坊廩生任緯焜妻夫歿時舅姑尙在三子九式九韶
九敘皆幼氏上事二親下撫三子備歷艱辛後九式入泮餘
皆成立

王氏習義坊賈培代妻夫故時氏年二十二有遺孕生子紹孔

氏飲冰茹蘖訓子入泮賈氏宗祀得以不絕縣尹盧旌表其門曰柏舟貞操

樊氏留孟里生員張奇勲妻夫亡時氏年二十五事其姑養生送死克盡婦道撫幼子嚴慈兼盡年八十而終當事以扁旌之

裴氏陳村里徐三讓妻夫歿時氏年二十四窮約自甘織紡度日撫八歲子成立年八十三而終縣尹汪旌以節壽俱高

王氏紫家里裴應絺妻夫故時氏年二十八三子延梧延標延柱俱幼氏貞操自守艱苦備嘗事舅姑克盡婦道縣尹汪以三遷合教旌之

曹氏史村里賈可揚妻夫亡時氏年二十六姑在堂子尙幼家貧氏日夜紡績以養其姑撫子成立

李氏范村里王尊妻夫故時氏年二十五子萬世萬年俱幼氏乳乳子立矢志不渝教其子成立縣令旌表其門

王氏喬野里撒五常妻夫亡時氏年十九遺子大號甫二歲翁姑憐其年幼勸之嫁氏以死誓教其子入泮

樊氏通明坊焦玉甸妻夫亡時舅姑俱垂老子甫二歲氏仰事俯育一身兼任舅姑俱壽考子亦成立

楊氏史村里石壯猷妻夫亡時氏年二十五子週歲誓志守節撫子獻章入泮

郭氏青凌里王育才妻夫亡時氏年二十五無子撫姪王鶴爲嗣後考授經歷太守劉旌其門

常氏陳村里陳運洽妻氏年二十餘喪夫時方懷娠數月泣謂親族曰舅姑年老吾爲冢媳若他適則雙親誰養願以死誓三月後生男捷氏晝夜紡績以供老親撫其子成立

王氏范璧里王隆祚妻夫亡時氏年二十六子復命甫九歲氏守節訓子名列賢序

韓氏范璧里武生柴國楨妻夫亡時氏年二十子琳方週歲氏苦節自誓備歷艱辛孝事舅姑教子琳身列賢序年七十七以壽終教諭張侗爲作傳府縣旌表其門